



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke



Anr.329/2019

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Gyltene Sylejmani kryesuese, Adnan Konushevci dhe Ferki Xhaferi anëtarë, me pjesëmarrjen e zyrtares ligjore Edona Grajçevci, duke vendosur lidhur me ankesën e Organizatës Jo Qeveritare BIRN dhe Internews Kosova, me seli në Prishtinë, paraqitur kundër Lidhjes Demokratike të Kosovës (LDK), me seli në Prishtinë, për shkak të thyerjes së heshtjes zgjedhore gjatë ditës së votimit, për Zgjedhjet e Parakohshme për Kuvendin e Republikës së Kosovës të datës 06 tetor 2019, në seancën e mbajtur me 07.10.2019, mori këtë:

## V E N D I M

**Pranohet** si e bazuar ankesa e BIRN dhe IKS me seli në Prishtinë, Anr.329/2019 e datës 04.10.2019, ndërsa subjektit politik Lidhja Demokratike e Kosovës (LDK) me seli në Prishtinë, për shkak të thyerjes së heshtjes zgjedhore gjatë ditës së votimit i shqiptohet gjobë në lartësi prej 1,600.00 (një mijë e gjashtëqind) euro, të cilën detyrohet ta paguaj në afat prej 15 (pesëmbëdhjetë) ditëve, nga dita e pranimit të këtij vendimi nën kërcënim të përmbarimit.

## A r s y e t i m

Paraqitësi i ankesës, BIRN dhe IKS, me seli në Prishtinë, me datën 06.10.2019, ka paraqit ankesë në PZAP, me të cilën pretendohet se gjatë ditës së heshtjes zgjedhore, kandidati nga Brahim Selimaj nga radhët e subjektit politik Lidhja Demokratike e Kosovës (LDK), ka vazhduar sponsorimin e fushatës zgjedhore në Telefon, përmes SMS-ve, edhe në ditën e heshtjes zgjedhore. Më këtë rast pretendohet se është bërë thyerja e heshtjes zgjedhore, të përcaktuar me LZP. Me propozim për PZAP-in, që ankesa të miratohet e bazuar.

Në përgjigjën në ankesë, të datës 07.10.2019, subjekti politik , Lidhja Demokratike e Kosovës (LDK), thekson se ankesa e bërë nga BIRN dhe IKS është e pabazuar për faktin se ankesa bazohet mbi një komunikim privat, jo publik për kandidatin në fjalë. Më tutje theksojnë se një gjë e tillë nuk ka ndodhur përmes ndonjë rrjeti të autorizuar për shpërndarje masive të mesazheve, por thjesht është një mesazh privat.

Paneli, pasi që shqyrtoj të gjitha shkresat e lëndës në kuptim të nenit 117 par. 2 të LZP-së, gjeti se:

**Ankesa është e bazuar**

Nga provat e ofruara nga parashtruesi i ankesës shihet qartë se nga numri telefoni +38349... ka arritur sms përmes të cilit është bërë thirrje për të votuar, numri i subjektit politik "135 dhe kandidatit me numër 65" veprime këto të ndaluara sipas nenit 36 paragrafi 1 të LPZ-së, i cili përcakton se : "Njëzetekatër (24) orë para hapjes së qendrave të votimit për hedhjen e votës, e deri në mbylljen e tyre, subjekteve politike, mbështetësve ose kandidatëve të tyre u ndalohej secili prej veprimeve si më poshtë:

- a) Shpërndarja ose shfaqja në mënyrë tjetër ndonjëherë nga qendrat e votimit ose 100 metra brenda hapësirës së të njëjtës, e çfarëdo lloje materiali me qëllim ndikimi tek votuesit;
- b) Bërja e fushatës në çfarëdo mënyre".

Sa i për ketë pretendimeve të subjektit politik LDK në përgjigjen në ankesë i cili thekson se , ankesa e bërë nga BIRN dhe IKS është e pabazuar për faktin se ankesa bazohet mbi një komunikim privat, jo publik për kandidatin në fjalë, një gjë e tillë nuk ka ndodhur përmes ndonjë rrjeti të autorizuar për shpërndarje masive të mesazheve, por thjesht është një mesazh privat, Paneli pretendimet e tilla i vlerësoj të pa bazuara dhe si të tilla i refuzoj pasi që, me këto thënie nuk justifikon veprimet që janë të ndaluara dhe në kundërshtim me dispozitat ligjore të Nenit 36 par.1 pika a) dhe b) i LDP-së

Duke u nisur nga gjendja e konstatuar faktike, Paneli konstaton se nga provat e ofruara shihet qartë se nga ana e subjektit politik LDK, është shkelur neni 36 paragrafi 1 të LPZ-së , pasi që në provat e ofruara në fotografi shihet qartë numri i telefonit, mesazhi i dërguar dhe personi që e ka dërguar.

Paneli me rastin e vendosjes se gjobës si në dispozitiv të këtij vendimi, ka marrë parasysh rrethanat si në vijim:

- Natyra e shkeljes dhe ndikimit të mundshëm të saj në procesin zgjedhor;
- Shkallën dhe peshën e shkeljes;
- Subjekti politik ka marrë pjesë në zgjedhjet e mëparshme, konsiderohet se kanë qenë të njoftuar me obligimet dhe përgjegjësit gjatë procesit të fushatës;
- Subjekti politik ka bërë shkelje të ligjeve zgjedhore në fuqi në këto zgjedhje apo në zgjedhjet e mëparshme në Kosovë si dhe
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

Paneli, mori parasysh të gjitha rrethanat në rastin konkret, se subjekti politik Lidhja Demokratike e Kosovës (LDK), ka marrë pjesë edhe në zgjedhjet e kaluara që do të thotë se është njoftuar me rregullat zgjedhore, dhe përkundër këtij fakti nga ana e këtij subjekti është thyer heshtja zgjedhore ku përmes mjetit të komunikimit Viber ka kërkuar votën për vete dhe LDK-në, gjë e cila është në kundërshtim me dispozitat e lartëcekura ligjore.

Po ashtu si rrethanë, PZAP-i e mori edhe faktin që subjektit politik në fjalë, iu dha mundësia për tu përgjigjur në ankesë, mirëpo subjekti politik nëpërmes përgjigjes në ankesë

shihet qartë se nuk e ka pranuar shkeljen dhe për më tepër ka deklaruar se ky veprim i tyre nuk është në kundërshtim me dispozitat ligjore, veprime këto të cilat kanë ndikuar në lartësinë e gjobës së shqiptuar si në dispozitiv të këtij vendimi.

Nga arsyet e theksuar më e duke bazuar nenin 118 par.1 të LZP-së, paneli vendosi si në dispozitiv të këtij vendimi.

**Paneli Zgjedhor për Ankesa dhe Parashtresa**  
Anr.329/2019 më datën 07.10.2019

**Kryesuese e Panelit**  
Gyltene Sylejmani



**Këshillë juridike:** Kundër këtij vendimi nuk lejohet ankesa konform nenit 118.4 të LZP-së.